

Майин 1-шиниг уктдж

Дөрлдән өргәр делгрлгън

Майин нег шиниг ўзмджтә кōдлмшәр тосхин тōлә социа-листическ дөрлдә делгрулхмн гидж шидр болсн хург деер Элст балгъсна ремзаводин кōдлмшчнр, инженерн-техническ кōдләчнр болн цергләчнр кӯундвр кецхәв.

Тер хург деер тӯрун болдж, цехин мастер Шапашников Д. И. Майин нег шин кӯртл зурагъан сән чинртәгъәр, 110 процент кӯцәнәвдн гидж цехиннь нерн деерәс ўг өгч, механическ цехин кōдлмшчнриг социалистическ дөрлдәнд дуудв. Эн дуудврт хәрү өгч, механическ цехин мастер коммунист Карнаухов А. Б.—цехин зурагъан 120 процент кӯргдж кӯцәнәвдн гив.

Гахад хот өгдг тевш кеджәх газосварщикӯдин нерн деерәс зурагъан 150 процент кӯцәнәвдн гидж газосварщик Адьянов П. Б. келв. Моторист Леонов, электросварщик Абушинов А. Д., нань чигн кесг кун босдж ўг келдж, даалгъвр авцхав.

Май сарин нег шин кӯртл 4 сара зурагъан 110 процент кӯргдж, сән ўзмджтәгъәр кӯцәх болдж даалгъвр ремзаводин коллектив авб.

КОРНЕЕВ К. Л.

Элст балгъсна ремзаводин ах инженер.